

Sra. Bertha Willems ganado maximo di e festival di cancion di Bernadina y Cecil Growel den Centro di Bario Brazil

COMISION Bernadina Growell ta sumamente satisfecho cu e multitud di persona cu a bishita e festival di cancionnan di Bernadina y Cecil Growell pa anima participantenan y gosa di un anochi ameno cultural.

E comision sigur a keda encantada cu presencia di nos tata di cultura, Sr. Padu Lampe y su distinguida famia y cu declamacion espontaneo di Sra. Ruthy Vrieswijk. Tambe a reina un

gran ambiente cu tres conhuntro a crea den Centro esta e banda di tur tempo Sensacion del Caribe, tipico Tropical y tambe Tipico Kadushi Largo.

E ganado absoluto a resulta e gran dama Sr. Bertha Willems, acompaña pa Sensacion del Caribe. Primer finalista tabata Jff. Jelitza Boekhoudt, segundo finalista juff. Joanne Werleman, Tercer finalista Roberto Orman, di cuater finalista tabata Jason

Kelly tur acompaña pa tipico Kadushi Largo.

E cantante mas popular tabata Joanne Werleman, mientras esun cu a bende mas caarchi tabata juffrouw Lourdes Stamper.

PALABRA di gradicimento ta bay na prensa cu e biaha aki a sostene e actividad, alabes na e huradonan bao di guia di Sr. Roy Sneek cu semper ta dispuesto pa yuda. Tambe danki na e maestronan di ceremonia,

Persey, She Preke y Marijke cu a haci un sublime trabao y boluntarianan di Centro di Bario Brazil bao guia di Chico Harms y di e comision mes. alabes a resalta e decor crioyo dor di Sr. Mariano Bermudez. **COMISION** Bernadina Growell a keda satisfecho di mira personanan di tur bario na Aruba den centro di Bario, bailando y conversando cu otro, locual a haci e festival



mas grandi cu aña pasa y cu ta duna e comision animo pa otro aña bolbe organisa un evento como tal, kisas mas grandi ainda.

KEDA pendiente pa otro actividadnan den Centro di Bario

Brazil entre otro eleccion di MOSA, diabierna awor dia 31 di augustus, Parada Cultural, bendemento dor di Santa Rosa y “openhouse di cas di Bernadina diadomingo awor dia 2 di september venidero.

